

PL

253/

Kx

1885

V.8

讀雪山房唐詩卷十八

凡例六
詩廿九

小傳二
目錄一

七律凡例

武進管世銘韞山氏著

五言律詩有性靈人可以頓悟七言則非積學攻苦不能至也論者謂如挽百石之弓非腕中有神力者止到八九分地位斯言最善名狀

七言律詩出于樂府故以沈雲卿龍池古意冠篇初唐之作皆當以是求之張燕公舞馬千秋萬歲詞崔司勳雁門胡人歌尤顯然樂府也王摩詰秦川一半夕陽開爲樂府高詞見樂天集

崔顥黃鶴樓直以古歌行入律太白諸作亦只以歌行視之祖詠薊門之作調高氣厚爲七言律正始之音惜不多見

王右丞精深華妙獨出冠時終唐之世與少陵分席而坐者
一人而已矣

李東川摘詞典則結響和平固當在摩詰之下高岑之上
高常侍律法稍疏而彌見古意岑嘉州始爲沈著凝鍊稍異
於王李而將入杜矣

開寶以前如孫逖王昌齡盧象張繼包何輩皆不以七言律
名而流傳一二篇音節安和情詞高雅迥非後來可及信乎
時代爲之也元次山尤稱與世聲牙而橘井一章又何其流
逸乃爾

獨孤常州早發龍且館一篇比之少陵拘律正復不減其同
皇甫侍御齋中春望則又大厯之高唱也七律中兼此兩種

筆墨者甚難

七言律詩至杜工部而曲盡其變蓋昔人多以自在流行出之作者獨加以沈鬱頓挫其氣盛其言昌格法句法字法章法無美不備無奇不臻橫絕古今莫能兩大

少陵七律自當以諸將五首爲壓卷關中朔方洛陽南海西蜀直以天下全局運量胸中如借兵回紇府兵法壞宦官監軍皆關當時大利大害而廷臣無能見及者氣雄詞傑足以稱其所欲言每章起結皆具二十分力量俗選有止登回首扶桑一首者于本詩回首及第七句朔雪字蒙前數章而下尙無理會何暇與之道黑白哉

秋興八章祇一時遣興之作其得意處固入神品而亦時有

言事山房詩卷一
利鈍又對結最末是杜公好處而此凡三用之後人以此摹
杜則耳食之見也

大厯十子所傳互異而皆不及隨州或以長卿爲開寶進士
輩行略先顧錢仲文與摩詰聯吟皇甫茂政與獨孤至之贈
答而皆居其冠何也今就詩而論且用五七言律定之當以
劉長卿錢起郎士元皇甫冉李嘉祐司空曙韓翃盧綸李端
李益前後十人爲定而皇甫曾耿漳崔峒輩爲附庸苗發吉
中孚夏侯審略之可也

說者多以讀少陵後繼以隨州便覺厭厭無色不知文房開
寶進士全唐詩編在李杜之前特其詩與大厯諸公並辦香
摩詰原與子美異派善讀者自當另出一番手眼心曾

大厯諸公善於言情工於選料學爲七律者從此進步可以滌去塵俗自此而之乎開寶則沿河入海矣故甄錄不厭詳焉

十子而降多成一副面目未免數見不鮮至劉柳出乃復見詩人本色觀聽爲之一變子厚骨聳夢得氣雄元和之二豪也其次則張水部風流蘊藉不失雅音楊少尹情致纏綿抑又其次也

以昌黎之神力而七言律未能擅場弓強而手不柔也

白樂天失之流易自序所謂率然成章非平生所尙也披沙揀金往往見寶惟善擇者能之元微之大近甜俗一篇而外不可強登矣

善學少陵七言律者終唐之世惟李義山一人胎息在神骨之間不在形貌蜀中離席一篇轉非其至也義山當朋黨傾危之際獨能乃心王室便是作詩根源其哭劉蕡重有感曲江等詩不減老杜憂時之作組織太工或爲擣搗家藉口然意理完足神韻悠長異時西崑諸公未有能學而至者也

溫飛卿久困名場故學力獨爲透到其于玉溪何止偏師之攻顧華玉盛詆之亦蚍蜉撼樹也七言律至長慶以後奄奄一息溫李二集正如漁歌牧笛忽聞鐘鼓噲吟

晚石雖雅不勝鄭其秀出者猶非宋元人可及茲選于黃茅白草中一律之工未嘗輕擲正以其難得爲可貴也高廷禮盛許劉滄今觀懷古諸篇全不爭工起訖殆無一篇完善可

收鄭谷曹唐有識皆嗤更不具論

唐末七言韓致堯爲第一去其香奩諸作多出於愛君憂國而氣格頗近渾成次卽吳子華亦推高唱司空表聖歸王官谷作有蛻棄軒冕之風羅昭諫駕幸蜀諸章見不忘本朝之意全軍之殿數子爲多

五律解散不對爲孟李創格詳前篇矣七言變體始于崔司勳之黃鶴樓太白深服之故作鸚鵡洲詩全仿其格其後白樂天早聞元九詠君詩恨與盧君相識遲今日逢君開舊卷卷中多道贈微之李義山杜牧司勳字牧之清秋一首杜秋詩前身應是梁江總名總還會字總持韓致堯往年曾在溪橋上見倚朱欄詠柳綿今日獨來芳徑裏更無人迹有苔錢

詩學山房唐詩卷十六
四
雖氣體不同杼軸各出要皆黃鶴樓作爲之濫觴也今悉登之以廣律詩之變至義山之當句有對徐寅之迴文有損詩體竊所不取

律詩最重起結七言尤然起句之工于發端如賈曾銅龍曉闕問安迴金輅春遊博望開岑參相國臨戎別帝京擁麾持節遠橫行王維無才不敢累明時思向東溪守故籬杜甫花近高樓傷客心萬方多難此登臨羣山萬壑赴荆門生長明妃尙有村劉長卿送君卮酒不成歡幼女辭家事伯鸞韓翃江城五馬楚雲邊不羨雍容畫省年劉禹錫王濬樓船下益州金陵王氣黯然收將星夜落使星來三省清臣集外臺柳宗元十年憔悴到秦京誰料翻爲嶺外行張籍聖朝特重大

司空人詠元和第一功楊巨源晴明紫閣最高峰仙掖開簾
范彥龍天眷君陳久在東歸朝人看大司空李商隱玉帳牙
旗得上游安危須共主君憂清時無事奏明光不遣當關報
早霜七國三邊未到憂十三身襲富平侯溫飛卿十年分散
劒關秋萬事皆隨錦水流羅隱爪牙柱石兩俱銷一點渝塵
九土搖落句之語盡意不盡如王維飽食不須愁內熱大官
還有蔗漿寒李白此處別離同落葉明朝分散敬亭秋總爲
浮雲能蔽日長安不見使人愁杜甫王師未報收東郡城闕
秋深畫角哀同學少年多不賤五陵裘馬自輕肥一臥滄江
驚歲晚幾回青瑣點朝班庾信平生最蕭瑟暮年詩賦動江
關最是楚宮俱泯滅舟人指點到今疑三年饑走空皮骨信

有人間行路難劉禹錫若問舊人劉子政如今白首在南徐
柳宗元今朝不用臨河別垂淚千行便濯纓張籍賓筵戲樂
年年別已得三迴對御看白居易共看明月應垂淚一夜鄉
心五處同曾經爛熳三年著欲棄空箱似少恩楊巨源滿筵
舊府笙歌在惟有羊曇最淚流李商隱日晚鷓鴣泉畔獵路
人遙識郢都鷹薛逢中原駿馬搜求盡沙苑年來草又芳韓
偓莫怪天涯棲不穩託身須是萬年枝羅隱跪望嶠山重啓
告可能餘烈不勝妖皆足爲一代楷式

領脛兩聯如二句一意無異車前騶仗有何生氣唐賢之可
法者如王維愁看北渚三湘遠惡說南風五雨輕岑參愁窺
白髮羞微祿悔別青山憶舊谿杜甫豈有文章驚海內漫勞

車馬駐江干憶昨賜霑門下省退朝擎出大明宮萬里秋風
吹錦水誰家別淚濕羅衣路經灩澦雙蓬鬢天入滄浪一釣
舟時危兵甲黃塵裏日短江湖白髮前萬里悲秋常作客百
年多病獨登臺錢起且貪原獸輕黃屋甯畏漁人犯白龍韓
翃落日澄江烏榜外秋風疏柳白門前劉禹錫黃河一曲當
城下緹騎千重照路傍懷舊空吟聞笛賦到鄉翻似爛柯人
白居易當君白首同歸日是我青山獨往時曾犯龍鱗容不
死欲騎鶴背覓長生楊汝士文章舊價畱鸞掖桃李新陰在
鯉庭李商隱此日六軍同駐馬當時七夕笑牽牛永憶江湖
歸白髮欲迴天地入扁舟溫庭筠石鱗埋沒藏秋草銅雀荒
涼對暮雲回日樓臺非甲帳去時關劍是丁年百二關山扶

玉座五千文字閤瑤緘薛逢一自犬戎生薊北便從征戰老
汾陽唐彥謙耳聞明主提三尺眼見愚民盜一杯韓偓謀身
拙爲安蛇足報國危曾捋虎鬚左牽犬馬誠難測右袒簪纓
最負恩譚用之鸚鵡語中分百里鳳凰聲裡住三年皆神韻
天成變化不測宋元以後此法不講故日近凡庸

讀雪山房唐詩卷十八

詩人小傳 十六

鄭 愔 字文靖滄洲人年十七進士擢第天后時張易之

兄弟薦爲殿中侍御史易之敗貶宣州司戶旣而
附武三思累遷吏部侍郎後預譙王重福謀被誅
今鈔七律一首五排一首

李 邕 字泰和廣陵江都人蘭臺郎善之子長安中李嶠

張廷珪薦其詞高行直拜左拾遺宋璟劾奏二張
邕於天后前抗言助之開元初厯殿中侍御史執
政忌其才頻被貶斥後爲北海太守李林甫傳以
罪杖殺之邕早擅才名尤長碑頌雖貶職在外中

言官月言卷之二
朝衣冠及天下寺觀多齎金帛往求其文饋遺至鉅萬自古鬻文獲財未有其比嘗撰六公詠杜甫八哀詩所謂朗詠六公篇憂來發蒙蔽是也今不傳今鈔七律一首

宗楚客

字子敖蒲州河東人則天從父姊之子也累遷夏官侍郎同鳳閣鸞臺平章事神龍中武三思引爲兵部尙書同知政事拜中書令與侍中紀處訥共爲朋黨後伏誅今鈔七律一首

韋元旦

京兆萬年人擢進士第補東阿尉遷左臺監察御史與張易之爲姻屬易之敗貶感義尉後復進用終中書舍人今鈔七律一首

賈曾

河南洛陽人以孝聞景雲中吏部員外郎明皇在東宮盛擇宮寮以曾爲太子舍人直言啓諫特授中書舍人以父名忠固辭拜諫議大夫開元中復拜中書議者以爲曹司嫌名乃就職與蘇晉同掌制誥時號蘇賈今鈔七律一首

陶峴

潛之裔孫開元中家於崑山與孟彥深孟雲卿焦遂遊嘗製三舟一舟自載一舟供賓客一舟置飲饌有女樂一部奏清商之曲逢山泉則窮其景物吳越之士謂之水仙今鈔七律一首

張諤

景龍中登進士第仕爲陳王掾岐王範雅好儒士諤與閻朝隱劉庭琦鄭繇等皆從之游賦詩飲酒

賈至一首

包何一首

李白六首

杜甫八十
三首

郭受一首

孟浩然一首

孟浩然一首

李賀一首

王昌齡二首

王昌齡三首

王維一首

王維十三首

王維一首

王維一首

王維一首

王維四首

王維一首

王維一首

王維四首

王維一首

王維一首

王維一首

王維一首

王維一首

王維八首

李賀二首

李賀二首

李賀目錄

詩集山房詩卷一

讀雪山房唐詩卷十八

七律一

龍池篇

沈佺期

龍池躍龍龍已飛
龍德先天天不違
池開天漢分黃道
龍向天門入紫微
邸第樓臺多氣色
君王鳬雁有光輝
爲報寰中百川水
來朝此地莫東歸

古意

盧家少婦鬱金香
海燕雙棲玳瑁梁
九月寒砧催木葉
十年征戍憶遼陽
白狼河北音書斷
丹鳳城南秋夜長
誰謂含愁獨不見
更教明月照流黃

奉和春日幸望春宮應制

芳郊綠野散春晴
複道離宮煙霧生
楊柳千條花欲綻
蒲萄百丈蔓初縈
林香酒氣原相入
鳥嘯歌聲各自成
定是風光牽宿醉
來晨復得幸昆明

興慶池侍宴應制

碧水澄潭映遠空
紫雲香駕御微風
漢家城闕疑天上
秦地山川似鏡中
向浦迴舟萍已綠
分林蔽殿槿初紅
古來徒羨橫汾賞
今日宸遊聖藻雄

奉和立春日遊苑迎春

東郊暫轉迎春仗
上苑初飛行慶杯
風射蛟冰千片斷
氣衝魚鑰九關開
林中覓草纔生蕙
殿裡爭花併是梅
歌吹承恩歸路晚
棲鳥半下鳳城來

遙同杜員外審言過嶺

天長地闊嶺頭分，去國離家見白雲。
洛浦風光何所似，崇山瘴癘不堪聞。
南浮漲海人何處，北望衡陽雁幾羣。
兩地江山萬餘里，何時重謁聖明君。

奉和春初幸太平公主南莊應制

主家山第早春歸，御輦春遊繞翠微。
買地鋪金曾作埒，尋河取石舊支機。
雲間樹色千花滿，竹裡泉聲百道飛。
自有神仙鳴鳳曲，併將歌舞報恩暉。

再入道場紀事

一作僧廣宣詩

南方歸去再生天，內殿今年異昔年。
見闢乾坤新定位，看題日月更高懸。
行隨香輦登仙路，坐近爐煙講法筵。
自喜恩深

陪侍從兩朝長在聖人前

奉和初春幸太平公主南莊應制

李嶠

主家山第接雲開
天子春遊動地來
羽騎參差花外轉
霓旌搖曳日邊回
還將石溜調琴曲
更取峰霞入酒杯
鸞輅已辭烏鵲渚
簫聲猶繞鳳凰臺

人日侍宴大明宮應制

鳳城景色已含韶
人日風光倍覺饒
桂吐半輪迎此夜
蓂開七葉應今朝
魚猜水凍行猶澁
鶯喜春熙弄欲嬌
媿我登高搖綵翰
欣逢御氣上丹霄

大酺

杜審言

毘陵震澤九州通
士女歡娛萬國同
伐鼓撞鐘驚海上
新粧

絃服照江東
梅花落處疑殘雪
柳葉開時任好風
火德雲官
逢道泰
天長地久屬年豐

奉和春日幸望春宮

鄭愔

晨蹕凌高轉翠旌
春樓望遠背朱城
忽排花上游天苑
卻坐雲邊看帝京
百草香心初冒蝶
千林嫩葉始藏鶯
幸同葵藿
傾陽早願比盤根
應候榮

奉和初春幸太平公主南莊應制

李邕

傳聞銀漢支機石
復見金輿出紫微
織女橋邊烏鵲起
仙人樓上鳳凰飛
流風入座飄歌扇
瀑水侵堦濺舞衣
今日還同
犯牛斗
乘槎共泛海潮歸

安樂公主山莊應制

宗楚客

言言詩集卷一
三
玉樓銀榜枕嚴城翠蓋紅旗列禁營日映層巖圖畫色風搖
雜樹管絃聲水邊重閣含飛動雲裡孤峰類削成幸睹八龍
游闔苑無勞萬里訪蓬瀛

奉和春初幸太平公主南莊應制

宋之問

青門路接鳳凰臺素澹宸遊龍騎來澗草自迎香輦合巖花
應待御筵開文移北斗成天象酒近南山作壽杯此日侍臣
將石去共歡明主賜金迴

和趙員外桂陽橋遇佳人

江雨朝飛浥細塵陽橋花柳不勝春金鞍白馬來從趙玉面
紅粧本姓秦妬女猶憐鏡中髮侍兒堪感路傍人蕩舟爲樂
非吾事自歎空閨夢寐頻

興慶池侍宴應制

韋元旦

滄池潏沔帝城邊殊勝昆明鑿漢年夾岸旌旗疏輦道中流
簫鼓振樓船雲峰四起迎宸幄水樹千重入御筵宴樂已深
魚藻詠承恩更欲奏甘泉

舞馬千秋萬歲樂府詞

張說

遠聽君王愛逸才玉鞭金翅引龍媒不應茲白人間有定是
飛黃天上來弄影日華相照耀噴含雲色且徘徊莫言闕下
桃花舞別有河中蘭葉開

澧湖山寺

空山寂歷道心生虛谷迢遙野鳥聲禪室從來塵外賞香臺
豈是世中情雲間東嶺千重出樹裡南湖一片明若使巢由

知此意不將蘿薜易簪纓

奉和春日幸望春宮應制

蘇頌

東望望春春可憐更逢晴日柳含煙
宮中下見南山盡城上平臨北斗懸
細草偏承迴輦處飛花故落舞筵前
宸游到此歡無極鳥弄歌聲雜管絃

侍宴安樂公主山莊應制

駸駸羽騎歷城池帝女樓臺向晚披
霧灑旌旗雲外出風迴巖岫雨中移
當軒半落天河水繞徑全低月樹枝
簫鼓宸遊陪宴日和鳴雙鳳喜來儀

興慶池侍宴應制

降鶴池前回步輦棲鸞樹杪出行宮
山光積翠遙疑逼水態

含青近若空直視天河垂象外俯窺京室畫圖中皇歡未使
恩波極日暮樓船更起風

廣達樓下夜侍酺宴應制

東嶽封迴宴洛京西墉通曉會公卿樓臺絕勝宜春苑燈火
還同不夜城正覩人間朝市樂忽聞天上管絃聲酺來萬舞
羣臣醉喜戴千年聖主明

奉和春日出苑矚目應令

賈會

銅龍曉闕問安迴金輅春游博望開渭水晴光搖草樹終南
佳氣入樓臺招賢已從商山老托乘還徵鄴下才臣在東周
獨畱滯忻逢睿藻日邊來

西塞山迴舟作

陶峴

匡廬舊業是誰主吳越新居安此生白髮數莖歸未得青山
一望計還成鴉翻楓葉夕陽動鷺立蘆花秋水明從此舍舟
何所詣酒旗歌扇正相迎

九日

張諤

秋來林下不知春一種佳游事也均絳葉從朝飛著夜黃花
開日未成旬將曛陌樹頻驚鳥半醉歸途數問人城遠登高
併九日茱萸凡作幾年新

和左司張員外自洛使入京中路先赴長安逢立春日
贈韋侍御等諸公

孫逖

忽睹雲間數雁回更逢山上一花開河邊淑氣迎芳草林下
輕風待落梅秋憲府中高唱入春卿署裡和歌來共言東閣

招賢地自有西征作賦才

駕幸溫泉

盧象

傳聞聖主幸新豐清蹕鳴鸞出禁中
細草終朝隨步輦垂楊幾處繞行宮
千官扈從驪山北萬國來朝渭水東
此日小臣徒獻賦漢家誰復重揚雄

黃鶴樓

崔顥

昔人已乘黃鶴去此地空餘黃鶴樓
黃鶴一去不復返白雲千載空悠悠
晴川歷歷漢陽樹芳草萋萋鸚鵡洲
日暮鄉關何處是煙波江上使人愁

鴈門胡人歌

高山代郡東接燕鴈門胡人家近邊
解放胡鷹逐塞鳥能騎

言集卷之六
代馬獵秋田山頭野火寒多燒雨裡孤峰濕作煙聞道遼西
無鬪戰時時醉向酒家眠

行經華陰

岵嶺太華俯咸京天外三峰削不成武帝祠前雲欲散仙人
掌上雨初晴河山北枕秦關險驛路西連漢時平借問路傍
名利客無如此地學長生

望薊門

祖詠

燕臺一去客心驚笳鼓喧喧漢將營萬里寒光生積雪三邊
曙色動危旌沙場烽火侵胡月海畔雲山擁薊城少小雖非
投筆吏論功還欲請長纓

奉和聖製從蓬萊向興慶閣道中畱春雨中春望之作

應制

王維

渭水自縈秦塞曲
黃山舊繞漢宮斜
鑾輿迴出千門柳
閣道迴看上苑花
雲裡帝城雙鳳闕
雨中春樹萬人家
爲乘陽氣行時令
不是宸遊翫物華

敕賜百官櫻桃

芙蓉闕下會千官
紫禁朱櫻出上闌
纔是寢園春薦後
非關御苑鳥銜殘
歸鞍競帶青絲籠
中使頻傾赤玉盤
飽食不須愁內熱
大官還有蔗漿寒

敕借岐王九成宮避暑應教

帝子遠辭丹鳳闕
天書遙借紫微宮
隔窗雲霧生衣上
卷幔山泉入鏡中
林下水聲喧笑語
巖間樹色隱房櫳
仙家未必

能勝此何事吹笙向碧空

和賈舍人早朝大明宮之作

絳幘雞人報曉籌
尙衣方進翠雲裘
九天闔闔開宮殿
萬國衣冠拜冕旒
日色纔臨仙掌動
香煙欲傍袞龍浮
朝罷須裁五色詔
佩聲歸到鳳池頭

和太常韋主簿五郎溫湯寓目之作

漢主離宮接露臺
秦川一半夕陽開
青山盡是朱旗繞
碧澗翻從玉殿來
新豐樹裡行人度
小苑城邊獵騎迴
聞道甘泉能獻賦
懸知獨有子雲才

酬郭給事

洞門高閣靄餘暉
桃李陰陰柳絮飛
禁裡疏鐘官舍晚
省中

啼鳥吏人稀晨搖玉佩趨金闕夕捧天書拜瑣闥強欲從君
無那老將因臥病解朝衣

出塞

居延城外獵天驕白草連山野火燒暮雲空磧時驅鴈秋日
平原好射鵬護羌校尉朝乘障破虜將軍夜渡遼玉靶角弓
珠勒馬漢家將賜霍嫖姚

送方尊師歸嵩山

仙官欲住九龍潭旄節朱幡倚石龕山壓天中半天上洞穿
江底出江南瀑布松杉常帶雨夕陽蒼翠忽成嵐借問迎來
雙白鶴已曾衡嶽送蘇耽

送楊少府貶郴州

明到衡陽與洞庭若爲秋月聽猿聲愁看北渚三湘遠惡說
南風五兩輕青草瘴時過夏口白頭浪裡出湓城長沙不久
畱才子賈誼何須弔屈平

過乘如禪師蕭居士嵩邱蘭若

無著天親弟與兄嵩邱蘭若一峰晴食隨鳴磬巢鳥下行踏
空林落葉聲併水定侵香案濕雨花應共石牀平深洞長松
何所有儼然天竺古先生

春日與裴迪過新昌里訪呂逸人不遇

桃源一向絕風塵柳市南頭訪隱淪到門不敢題凡鳥看竹
何須問主人城上青山如屋裡東家流水入西鄰閉戶著書
多歲月種松皆作老龍鱗

早秋山中作

無才不敢累明時，思向東溪守故籬。
豈厭向平婚嫁早，卻嫌陶令去官遲。
草間蛩響臨秋急，山裏蟬聲薄暮悲。
寂寞柴門人不到，空林獨與白雲期。

積雨輞川莊作

積雨空林煙火遲，蒸藜炊黍向東菑。
漠漠水田飛白鷺，陰陰夏木囀黃鸝。
山中習靜觀朝槿，松下清齋折露葵。
野老與人爭席罷，海鷗何事更相疑。

登漢陽城樓

孟浩然

縣城南面漢江流，江障開成南雍州。
才子乘春來騁望，羣公暇日坐銷憂。
樓臺晚映青山郭，羅綺晴嬌綠水洲。
向夕波搖

明月動更疑神女弄珠遊

送魏萬之京

李頎

朝聞遊子唱離歌
昨夜微霜初渡河
鴻雁不堪愁裏聽
雲山況復客中過
關城曙色催寒近
御苑砧聲向晚多
莫見長安行樂處
空令歲月易蹉跎

送司勳盧員外

流澌臘月下河陽
草色新年發建章
秦地立春傳太史
漢宮題柱憶仙郎
歸鴻欲渡千山雪
侍女新添五夜香
早晚薦雄文似者
故人今已賦長楊

寄綦母三

新加大邑綬仍黃
近與單車向洛陽
顧盼一過丞相府
風流

三接令公香南川粳稻花侵縣西嶺雲霞色滿堂共道進賢
蒙上賞看君幾歲作臺郎

送李回

知君官屬大司農詔幸驪山職事雄歲發金錢供御府晝看
仙液注離宮千巖樹色旌門上十月寒花輦路中不覩聲明
與文物自傷畱滯去關東

題盧五舊居

物在人亡無見期閑庭繫馬不勝悲窗前綠竹生空地門外
青山如舊時悵望秋天鳴墜葉巔岼枯柳宿寒鴟憶君淚落
東流水歲歲花開知爲誰

題璿公山池

遠公遯迹廬山岑開士幽居祇樹林
片石孤雲窺色相清池皓月照禪心
指揮如意天花落坐臥閒房春草深
此外俗塵都不染惟餘元度得相尋

元度許詢字也

萬歲樓

王昌齡

江上巍巍萬歲樓不知經歷幾千秋
年年喜見山長在日日悲看水獨流
猿猱何曾離暮嶺鸕鷀空自泛寒洲
誰堪登望雲煙裏向晚茫茫發旅愁

九日登高

青山遠近帶皇州霽景重陽上北樓
雨歇亭皋仙菊潤霜飛天苑御梨秋
茱萸插鬢花宜壽翡翠橫釵舞作愁
漫說陶潛籬下醉何曾得見此風流

經陸補闕隱居

綦毋潛

不敢要君徵亦起致君全得似唐虞
讜言昨見離天聽新象
今聞入縣圖琴鎖壞窗風自響
鶴歸華表隱難呼學書弟子
何人在點檢還存諫草無

九日登望仙臺呈劉明府容

崔曙

漢文皇帝有高臺此日登臨曙色開
三晉雲山皆北向二陵
風雨自東來關門令尹誰能識
河上仙翁去不回我欲近尋
彭澤宰陶然共醉菊花杯

杜侍御送貢物戲贈

張謂

銅柱珠崖道路難伏波橫海舊登壇
越人自貢珊瑚樹漢使
何勞獬豸冠疲馬山中愁日晚孤舟
江上畏春寒由來此貨

稱難得多恐君王不忍看

辰陽卽事

一作劉長卿詩

青楓落葉正堪悲
黃菊殘花欲待誰
水近偏知寒氣早
山深常見日光遲
愁中卜命看周易
夢裏招魂讀楚詞
自恨不如湘浦鴈
春來卽是北歸時

別韋郎中

星輶計日赴岷峨
雲樹連天阻笑歌
南入洞庭隨雁去
西過巫峽聽猿多
崢嶸洲上飛黃葉
灑灑堆邊起白波
不醉郎中桑落酒
教人無奈別離何

和賈至舍人早朝大明宮之作

岑參

雞鳴紫陌曙光寒
鶯囀皇州春色闌
金闕曉鐘開萬戶
玉階

仙仗擁千宮花迎劒佩星初落柳拂旌旗露未乾獨有鳳凰池上客陽春一曲和皆難

和祠部王員外雪後早朝卽事

長安雪後似春歸積素凝華連曙輝色借玉珂迷曉騎光添銀燭晃朝衣西山落月臨天仗北闕晴雲捧禁圍聞道仙郎歌白雪由來此曲和人稀

奉和杜相公發益昌

相國臨戎別帝京擁麾持節遠橫行朝登劒閣雲隨馬夜渡巴江雨洗兵山花萬朵迎征蓋川柳千條拂去旌暫到蜀城應計日須知明主待持衡

暮春虢州東亭送李司馬歸扶風別廬

言言山房集卷一
三
柳顰鶯嬌花復殷紅亭綠酒送君還到來函谷愁中月歸去
礪溪夢裏山簾前春色應須惜世上浮名好是閑西望鄉關
腸欲斷對君衫袖淚痕斑

首春渭西郊行呈藍田張王二主簿

迴風渡雨渭城西細草新花踏作泥秦女峰頭雪未盡胡公
陂上月初低愁窺白髮羞微祿悔別青山憶舊谿聞道輞川
多勝事玉壺春酒正堪攜

夜別韋司士得城字

高適

高館張燈酒復清夜鐘殘月雁歸聲只言啼鳥堪求侶無那
春風欲送行黃河曲裏沙爲岸白馬津邊柳向城莫怨他鄉
暫離別知君到處有逢迎

東平別前衛尉李案少府

黃鳥翩翩楊柳垂春風送客使人悲
怨別自驚千里外論交卻憶十年時
雲開汶水孤帆遠路遶梁山匹馬遲
此地從來可乘興畱君不住益淒其

九日

節物驚心兩鬢華東籬空繞未開
花百年將半仕三已五畝就荒天一
涯豈有白衣來剝啄一從烏帽自欹
斜真成獨立空搔首門柳蕭蕭噪晚
鴉

送李少府貶峽王少府貶長沙

嗟君此別意何如駐馬銜杯問謫居
巫峽啼猿數行淚衡陽歸雁幾封書
青楓江上秋天遠白帝城邊古木疏
聖代卽今

多雨露暫時分手莫躊躇

橘井

元結

靈橘無根井有泉世間如夢又千年鄉園不見重歸鶴姓氏
今爲第幾仙風冷露壇人悄悄地閒荒徑草綿綿如何躡得
蘇君跡白日霓旌擁上天

早朝大明宮呈兩省僚友

賈至

銀燭朝天紫陌長禁城春色曉蒼蒼千條弱柳垂青瑣百轉
流鶯繞建章劒珮聲隨玉墀步衣冠身惹御爐香共沐恩波
鳳池上朝朝染翰侍君王

闕下芙蓉

包何

一人理國致昇平萬物呈祥助聖明天上河從闕下過江南

花向殿前生慶雲垂蔭開難落湛露爲珠滿不傾更對樂懸
張宴處歌工欲奏採蓮聲

寄崔侍御

李白

宛溪霜夜聽猿愁去國長爲不繫舟獨憐一雁飛南海卻羨
雙谿解北流高人屢解陳蕃榻過客難登謝朓樓此處別離
同落葉朝朝分散敬亭秋

送賀監歸四明應制

久辭榮祿遂初衣曾向長生說息機真訣自從茅氏得恩波
應許洞庭歸瑤臺含霧星辰滿仙嶠浮空島嶼微借問欲棲
珠樹鶴何年卻向帝城飛

別中都明府兄

言言山房集卷二
十四
吾兄詩酒繼陶君試宰中都天下聞東樓喜奉連枝會南陌
愁爲落葉分城隅淶水明秋日海上青山隔暮雲取醉不辭
畱夜月雁行中斷惜離羣

送東溪公幽居

杜陵賢人清且廉東溪卜築歲將淹宅近青山同謝眺門垂
碧柳似陶潛好鳥迎春歌後院飛花送酒舞筵前客到但知
畱一醉盤中惟有水晶鹽

登金陵鳳凰臺

鳳凰臺上鳳凰遊鳳去臺空江自流吳宮花草埋幽徑晉代
衣冠成古邱三山半落青天外二水中分白鷺洲總爲浮雲
能蔽日長安不見使人愁

鸚鵡洲

鸚鵡來過吳江水江上洲傳鸚鵡名
鸚鵡西飛隴山去芳洲之樹何青青
煙開蘭葉香風暖岸夾桃花錦浪生
遷客此時徒極目長洲孤月向誰明

題張氏隱居

杜甫

春山無伴獨相求伐木丁丁山更幽
澗道餘寒歷冰雪石門斜日到林邱
不貪夜識金銀氣遠害朝看麋鹿遊
乘興杳然迷去處對君疑是泛虛舟

贈田九判官

梁邱

崆峒使節上青霄河隴降王款聖朝
宛馬總肥春苜蓿將軍只數漢嫖姚
陳畱阮瑀誰爭長京兆田郎早見招
麾下賴君

才並入獨能無意向漁樵

贈獻納起居田舍人

獻納司存雨露邊地分清切任才賢舍人退食收封事宮女
開函近御筵曉漏追趨青瑣闥晴窗點檢白雲篇楊雄更有
河東賦惟待吹噓送上天

紫宸殿退朝口號

戶外昭容紫袖垂雙瞻御座引朝儀香飄合殿春風轉花覆
千官淑景移晝漏稀聞高閣報天顏有喜近臣知宮中每出
歸東省會送夔龍集鳳池

宣政殿退朝晚出左掖

天門日射黃金榜春殿晴曛赤羽旗宮草霏霏承委佩鑪煙

細細駐遊絲雲近蓬萊常五色雪殘鳩鵲亦多時侍臣緩步
歸青瑱退食從容出每遲

奉和賈至舍人早朝大明宮

五夜漏聲催曉箭九重春色醉仙桃旌旗日暖龍蛇動宮殿
風微燕雀高朝罷香煙攜滿袖詩成珠玉在揮毫欲知世掌
絲綸美池上於今有鳳毛

題省中院壁

掖垣竹埤梧十尋洞門對雪常陰陰落花游絲白日靜鳴鳩
乳燕青春深腐儒衰晚謬通籍退食遲迴違寸心衮職曾無
一字補許身魏比雙南金

望岳

西岳危稜竦處尊諸峰羅列似兒孫安得仙人九節杖拄到
玉女洗頭盆車箱入谷無歸路箭括通天有一門稍待秋風
涼冷後高尋白帝問真源

題鄭縣亭子

鄭縣亭子澗之濱戶牖憑高發興新雲斷嶽蓮臨大路天晴
宮柳暗長春巢邊野雀羣欺燕花底山蜂遠趁人更欲題詩
滿青竹晚來幽獨恐傷神

臘日

臘日常年暖尙遙今年臘日凍全消侵陵雪色還萱草漏洩
春光有柳條縱酒欲謀良夜醉還家初散紫宸朝口脂面藥
隨恩澤翠管銀罌下九霄

曲江二首

一片花飛減卻春風飄萬點正愁人且看欲盡花經眼莫厭
傷多酒入脣江上小堂巢翡翠苑邊高塚臥麒麟細推物理
須行樂何用浮名絆此身
朝回日日典春衣每日江頭盡醉歸酒債尋常行處有人生
七十古來稀穿花蛺蝶深深見點水蜻蜓款款飛傳語風光
共流轉暫時相賞莫相違

曲江對雨

城上春雲覆苑牆江亭晚色靜年芳林花著雨胭脂落水荇
牽風翠帶長龍武新軍深駐輦芙蓉別殿漫焚香何時詔此
金錢會暫醉佳人錦瑟傍

送鄭十八虔貶台川司戶傷其臨老陷賊之故闕爲面
別情見乎辭

鄭公樗散髮如絲酒後常稱老畫師萬里傷心嚴譴日百年
垂死中興時蒼皇已就長途往邂逅無端出餞遲便與先生
應永訣九重泉路盡交期

至日遣興奉寄北省舊閣老兩院故人

憶昨逍遙供奉班去年今日侍龍顏麒麟不動爐煙上孔雀
徐開扇影還玉几由來天北極朱衣只在殿中間孤城此日
腸堪斷愁對寒雲雪滿山

同許八奉寄江甯旻上人

不見旻公三十年封書寄與淚潺湲舊來好事今能否老去

新詩誰與傳棋局動隨幽澗竹袈裟憶上泛湖船聞君話我
爲官在頭白昏昏只醉眠

蜀相

丞相祠堂何處尋錦官城外柏森森映階碧草自春色隔葉
黃鸝空好音三顧頻煩天下計兩朝開濟老臣心出師未捷
身先死長使英雄淚滿襟

賓至

幽棲地僻經過少老病人扶再拜難豈有文章驚海內漫勞
車馬駐江干竟日淹畱佳客坐百年麤糲腐儒餐不嫌野外
無供給乘興還來看藥欄

所思

苦憶荊州醉司馬謫官樽俎定常開九江日落醒何處一柱
觀頭眠幾回可憐懷抱向誰盡欲問平安無使來故憑錦水
將雙淚好過瞿塘灩澦堆

狂夫

萬里橋西一草堂百花潭水卽滄浪風含翠篠娟娟靜雨裊
紅渠冉冉香厚祿故人書斷絕恆飢稚子色淒涼欲填溝壑
惟疏放自笑狂夫老更狂

野老

野老籬邊江岸迴柴門不正逐江開漁人網集澄潭下賈客
船從返照來長路關心悲劒閣片雲何事傍琴臺王師未報
收東郡城闕秋生晝角哀

恨別

洛城一別四千里，胡騎長驅五六年。
草木變衰行劍外，兵戈阻絕老江邊。
思家步月清宵立，憶弟看雲白日眠。
聞道河陽近乘勝，司徒急爲破幽燕。

南鄰

錦里先生烏角巾，園收芋栗未全貧。
慣看賓客兒童戲，得食階除鳥雀馴。
秋水纔深四五尺，野航恰受兩三人。
白沙翠竹江村暮，相送柴門月色新。

和裴迪登蜀州東亭送客逢早梅相憶見寄

東閣觀梅動詩興，還如何遜在揚州。
此時對雪遙相憶，送客逢春可自由。
幸不折來傷歲暮，若爲看去亂鄉愁。
江邊一樹

垂垂發朝夕催人自白頭

寄杜位

近聞寬法離新州想見懷歸尙百憂
逐客雖皆萬里去悲君已是十年流
干戈況復塵隨眼鬢髮還應雪滿頭
玉壘題書心緒亂何時更得曲江遊

客至

舍南舍北皆春水但見羣鷗日日來
花徑不曾緣客掃蓬門今始爲君開
盤餐市遠無兼味樽酒家貧只舊醅
肯與鄰翁相對飲隔籬呼取盡餘杯

送韓十四江東省覲

兵戈不見老萊衣歎息人間萬事非
我已無家尋弟妹君今

何處訪庭闈黃牛峽靜灘聲轉白馬江寒樹影稀此別應須
各努力故鄉猶恐未同歸

野人送朱櫻

西蜀櫻桃也自紅野人相贈滿筠籠數迴細寫愁仍破萬顆
勻圓訝許同憶昨賜霑門下省退朝擎出大明宮金盤玉筯
無消息此日嘗新任轉蓬

野望

西山白雪三城戍南浦清江萬里橋海內風塵諸弟隔天涯
涕淚一身遙唯將遲暮供多病未有涓埃答聖朝跨馬出郊
時極目不堪人事日蕭條

黃草

黃草峽西船不歸赤甲山下行人稀秦中驛使無消息蜀道
兵戈有是非萬里秋風吹錦水誰家別淚濕羅衣莫愁劔外
終堪據聞道松州已被圍

野望

金華山南涪水西仲冬風日始淒淒山連越雋蟠三蜀水散
巴渝下五溪獨鶴不知何事舞飢鳥似欲趁人啼射洪春酒
寒仍綠目極傷神誰爲攜

聞官軍收河南河北

劔外忽傳收薊北初聞涕淚滿衣裳卻看妻子愁何在漫卷
詩書喜欲狂白首放歌須縱酒青春作伴好還鄉卽從巴峽
穿巫峽便下襄陽向洛陽

送路六侍御入朝

童稚情親四十年中間消息兩茫然更爲後會知何地忽漫
相逢是別筵不分桃花紅似錦生憎柳絮白於綿劍南春色
還無賴觸忤愁人到酒邊

涪城縣香積寺官閣

寺下春江深不流山腰官閣迥添愁含風翠壁孤雲細背日
丹楓萬木稠小院迴廊春寂寂浴鳧飛鷺晚悠悠諸天合在
藤蘿外昏黑應須到上頭

登高

風急天高猿嘯哀渚清沙白鳥飛迴無邊落木蕭蕭下不盡
長江滾滾來萬里悲秋常作客百年多病獨登臺艱難苦恨

言言詩卷十六
三
繁霜鬢潦到新停濁酒杯

將赴荆南寄別李劒州

使君高義驅今古寥落三年坐劒州但見文翁能化蜀焉知
李廣未封侯路經灩澦雙蓬鬢天入滄浪一釣舟戎馬相逢
更何日春風迴首仲宣樓

將赴成都草堂途中有作先寄嚴鄭公五首

得歸茅屋赴成都直爲文翁再剖符但使閭閻還揖讓敢論
松竹久荒蕪魚知丙穴由來美酒憶鄆筒不用酤五馬舊曾
諳小徑幾回書札待潛夫

處處清江帶白蘋故園猶得見殘春雪山斥侯無兵馬錦里
逢迎有主人休怪兒童延俗客不教鵝鴨惱比鄰習池未覺

風流盡況復荊州賞更新

竹寒沙碧浣花溪
橘刺藤梢咫尺迷
過客徑須愁出入
居人不自解東西
書籤藥裹封蛛網
野店山橋送馬蹄
肯藉荒庭春草色
先判一飲醉如泥

常苦沙崩損藥欄
也從江檻落風湍
新松恨不高千尺
惡竹應須斬萬竿
生理祇憑黃閣老
衰顏欲付紫金丹
三年奔走空皮骨
信有人間行路難

錦官城西生事微
烏皮几畔還思歸
昔去爲憂亂兵入
今來已恐鄰人非
側身天地更懷古
迴首風塵甘息機
共說總戎雲鳥陣
不妨遊子芰荷衣

寄高三十五大夫

汶上相逢年頗多飛騰無奈故人何
總戎楚蜀應全未方駕
曹劉不啻過今日朝廷須汲黯
中原將帥憶廉頗天涯春色
催遲暮別淚遙添錦水波

登樓

花近高樓傷客心萬方多難此登臨
錦江春色來天地玉壘
浮雲變古今北極朝廷終不改
西山寇盜莫相侵可憐後主
還祠廟日暮聊爲梁父吟

奉酬嚴公寄題野亭之作

拾遺曾奏數行書嬾性從來水竹居
奉引濫騎沙苑馬幽棲
眞釣錦江魚謝安不倦登臨賞
阮籍焉知禮法疏枉沐旌麾
出城府草茅無徑欲教鋤

嚴公仲夏枉駕草堂兼攜酒饌

竹裏行廚洗玉盤
花邊立馬簇金鞍
非關使者徵求急
自識將軍禮數寬
百年地僻柴門迥
五月江深草閣寒
看弄漁舟移白日
老農何有罄交歡

院中晚晴懷西郊茅舍

幕府秋風日夜清
澹雲疏雨過高城
葉心朱實看時落
階面青苔老更生
復有樓臺銜暮景
不勞鐘鼓報新晴
浣花溪裏花饒笑
肯信吾兼吏隱名

宿府

清秋幕府井梧寒
獨宿江城蠟炬殘
永夜角聲悲自語
中天月色好誰看
風塵荏苒音書絕
關塞蕭條行路難
已忍伶俜

詩學山房唐詩卷十六
三
十年事強移棲息一枝安

閣夜

歲暮陰陽催短景天涯霜雪霽寒宵五更鼓角聲悲壯三峽
星河影動搖野哭千家聞戰伐夷歌是處起漁樵臥龍躍馬
終黃土人事音書漫寂寥

灩澦

灩澦旣沒孤根深西來水多愁太陰江天漠漠鳥雙去風雨
時時龍一吟舟人漁子歌回首估客胡商淚滿襟寄與舟航
惡年少休翻鹽井擲黃金

白帝城最高樓

城尖徑仄旌旒愁獨立縹緲之飛樓峽坼雲霾龍虎臥江清

日抱黿鼉遊扶桑西枝對斷石弱水東影隨長流杖藜歎世
者誰子泣血迸空回白頭

秋興

玉露凋傷楓樹林巫山巫峽氣蕭森江間波浪兼天湧塞上
風雲接地陰叢菊兩開他日淚孤舟一繫故園心寒衣處處
催刀尺白帝城高急暮砧

夔府孤城落日斜每依北斗望京華聽猿實下三聲淚奉使
虛隨八月槎畫省香爐違伏枕山樓粉堞隱悲笳請看石上
藤蘿月已映洲前蘆荻花

千家山郭靜朝暉日日江樓坐翠微信宿漁人還泛泛清秋
燕子故飛飛匡衡抗疏功名薄劉向傳經心事違同學少年

言言卷一
三四
多不賤五陵裘馬自輕肥

聞道長安似奕棋百年世事不勝悲
王侯第宅皆新主文武衣冠異昔時
直北關山金鼓震征西車馬羽書馳
魚龍寂寞秋江冷故國平居有所思

蓬萊宮闕對南山承露金莖霄漢間
西望瑤池降王母東來紫氣滿函關
雲移雉尾開宮扇日繞龍鱗識聖顏
一臥滄江驚歲晚幾回青瑣點朝班

瞿塘峽口曲江頭萬里風煙接素秋
花萼夾城通御氣芙蓉小苑入邊愁
珠簾繡柱圍黃鶴錦纜牙檣起白鷗
回首可憐歌舞地秦中自古帝王州

昆明池水漢時功武帝旌旗在眼中
織女機絲虛夜月石鯨

鱗甲動秋風波漂菰米沈雲黑露冷蓮房墜粉紅關塞極天
唯鳥道江湖滿地一漁翁

昆吾御宿自逶迤紫閣峰陰入漢陂香稻啄殘鸚鵡粒碧梧
棲老鳳凰枝佳人拾翠春相問仙侶同舟晚更移彩筆昔曾
干氣象白頭吟望苦低垂

詠懷古跡

支離東北風塵際漂泊西南天地間三峽樓臺淹日月五溪
衣服共雲山羯胡事主終無賴詞客哀時且未還庾信平生
最蕭瑟暮年詩賦動江關

搖落深知宋玉悲風流儒雅亦吾師悵望千秋一灑淚蕭條
異代不同時江山故宅空文藻雲雨荒臺豈夢思最是楚宮

俱泯滅舟人指點到今疑

羣山萬壑赴荆門生長明妃尙有村一去紫臺連朔漠獨畱
青塚向黃昏畫圖省識春風面環珮空歸月夜魂千載琵琶
作胡語分明怨恨曲中論

蜀主窺吳幸三峽崩年亦在永安宮翠華想像空山裏玉殿
虛無野寺中古廟杉松巢水鶴歲時伏臘走村翁武侯祠屋
長鄰近一體君臣祭祀同

諸葛大名垂宇宙宗臣遺像肅清高三分割據紆籌策萬古
雲霄一羽毛伯仲之間見伊呂指揮若定失蕭曹運移漢祚
終難復志決身殲軍務勞

諸將

漢朝陵墓對南山胡鹵千秋尙入關昨夜玉魚蒙葬地早時
金盃出人間見愁汗馬西戎逼曾閃朱旗北斗殷多少材官
守涇渭將軍且莫破愁顏

韓公本意築三城擬絕天驕拔漢旌豈謂盡煩回紇馬翻然
遠救朔方兵胡來不覺潼關隘龍起猶聞晉水清獨使至尊
憂社稷諸君何以答升平

洛陽宮殿化爲烽休道秦關百二重滄海未全歸禹貢薊門
何處盡堯封朝廷衮職雖多預天下軍儲不自供稍喜臨邊
王相國肯銷金甲事春農

迴首扶桑銅柱標冥冥氛祲未全銷越裳翡翠無消息南海
明珠久寂寥殊錫曾爲大司馬總戎皆插侍中貂炎風朔雪

言言山房集卷之六
天王地只在忠臣翊聖朝

錦江春色逐人來
巫峽清秋萬壑哀
正憶往時嚴僕射
共迎中使望鄉臺
主恩前後三持節
軍令分明數舉杯
西蜀地形天下險
安危全仗出羣材

夜

露下天高秋氣清
空山獨夜旅魂驚
疏燈自照孤帆宿
新月猶懸雙杵鳴
南菊再逢人臥病
北書不至雁無情
步簷倚杖看牛斗
銀漢遙應接鳳城

九日藍田崔氏莊

老去悲秋強自寬
興來今日盡君歡
羞將短髮還吹帽
笑倩傍人爲正冠
藍水遠從千澗落
玉山高並兩峰寒
明年此會

知誰健醉把茱萸仔細看

返照

楚王宮北正黃昏白帝城西過雨痕返照入江翻石壁歸雲
擁樹失山邨衰年病肺唯高枕絕塞愁時早閉門不可久畱
豺虎亂南方實有未招魂

公安送韋二少府匡贊

逍遙公後世多賢送爾維舟惜此筵念我能書數字至將詩
不必萬人傳時危兵甲黃塵裏日短江湖白髮前古往今來
皆涕淚斷腸分手各風煙

送李八秘書赴杜相公幕

青簾白舫益州來巫峽秋濤天地迴石出倒聽楓葉下櫓搖

背指菊花開貪趨相府今晨發恐失佳期後命催南極一星
朝北斗五雲多處是三台

九日

重陽獨酌杯中酒抱病起登江上臺竹葉於人旣無分菊花
從此不須開殊方日落元猿哭舊國霜前白雁來弟妹蕭條
各何在干戈衰謝兩相催

吹笛

吹笛秋山風月清誰家巧作斷腸聲風飄律呂相和切月傍
關山幾處明胡騎中宵堪北走武陵一曲想南征故園楊柳
今搖落何得愁中卻盡生

贈韋七贊善

鄉里衣冠不乏賢杜陵韋曲未央前爾家最近魁三象時論
同歸尺五天北走關山開雨雪南遊花柳塞雲煙洞庭春色
悲公子鰕菜忘歸范蠡船

奉送蜀州柏二別駕將中丞命赴江陵起居衛尚書太
夫人因示從弟行軍司馬佐

中丞問俗畫熊頻愛弟傳書綵鷁新遷轉五州防禦使起居
八座太夫人楚宮臘送荆門水白帝雲偷碧海春與報惠連
詩不惜知吾斑鬢總如銀

舍弟觀赴藍田取妻子到江陵喜寄

三首之一

馬度秦關雪正深北來肌骨苦寒侵他鄉就我生春色故國
移居見客心歡劇提攜如意舞喜多行坐白頭吟巡簷索共

言雪山房唐詩卷十八
三六
梅花笑冷蘂疏枝半不禁

冬至

年年日至長爲客忽忽窮愁泥殺人江上形容吾獨老天涯
風俗自相親杖藜雪後臨丹壑鳴玉朝來散紫宸心折此時
無一寸路迷何處是三秦

多病執熱奉懷李尙書

之芳

衰年正苦病侵凌首夏何須氣鬱蒸大水淼茫炎海接奇峰
碑兀火雲升思霑道暍黃梅雨敢望宮恩玉井冰不是尙書
期不願山陰夜雪興難乘

暮歸

霜黃碧梧白鶴棲城上擊柝復烏啼客子入門月皎皎誰家

搗練風淒淒南渡桂水闕舟楫北歸秦川多鼓鼙年過半百
不稱意明日看雲還杖藜

又作此奉衛王

西北樓成雄楚都遠開山嶽散江湖二儀清濁還高下三伏
炎蒸定有無推轂幾年惟鎮靜曳裾終日盛文儒白頭授簡
焉能賦媿似相如爲大夫

小寒日舟中作

佳辰強飲食猶寒隱几蕭條戴鶡冠春水船如天上坐老年
花似霧中看娟娟戲蝶過閒幔片片輕鷗下急湍雲白山青
萬餘里愁看直北是長安

遺悶戲呈路十九曹長

江浦雷聲喧昨夜春城雨色動微寒黃鸝竝坐交愁濕白鷺
羣飛太劇乾晚節漸於詩律細誰家數去酒杯寬唯君最愛
清狂客百遍相過意未闌

寄杜員外

郭 受

新詩海內流傳久舊德中朝屬望勞郡邑地卑饒霧雨江湖
天闊足風濤松花酒熟傍看醉蓮葉舟輕自學操春興不知
凡幾首衡陽紙價頓能高

讀雪山房唐詩卷十九 小傳二 目錄一 詩廿六

詩人小傳 十七

朱長文 大厯間江南詩人今鈔七律一首

張志和 字子同婺州金華人年十六舉明經肅宗時待詔

翰林後不復仕進居江湖自稱煙波釣叟今鈔七

律一首

竇常 字中行大厯中及進士第隱居廣陵之柳楊著書

二十年不出後淮南節度使杜佑辟爲參謀元和

間自湖南判官入爲侍御史轉水部員外郎出刺

朗州固陵潯陽臨川四郡入爲國子祭酒致仕卒

贈越州都督有集十八卷今鈔七律一首

寶 牟

字貽周舉貞元進士第歷佐從事後爲畱守判官
檢校尙書都官郎中出爲澤州刺史改國子司業
卒有集十卷今鈔七律一首七絕一首

寶 鞏

字友封登元和進士累辟幕府入拜侍御史轉司
勳員外刑部郎中元稹觀察浙東奏爲副使又從
鎮東昌歸京師卒鞏雅裕有名于時平居與人言
若不出口世稱囁嚅翁白居易編次往還詩尤長
者號元白往還集鞏亦與焉今鈔七律一首七絕
七首

羊士諤

泰山人登貞元元年進士第累至宣歙巡官元和
初拜監察御史坐誣李吉甫出爲資州刺史今鈔

七律一首七絕四首

讀雪山房唐詩卷十九

七律目錄二

韋應物三首

劉長卿十九首

錢起十三首

郎士元七首

皇甫冉九首

李嘉祐七首

司空曙七首

韓翃十四首

盧綸十一首

李端四首

李益三首

秦系三首

劉方平一首

鄭錫一首

皇甫曾三首

張繼一首

獨孤及二首

耿湣三首

崔峒二首

張南史一首

朱灣三首

朱長文一首

張志和一首

戴叔倫五首

嚴維一首

竇常一首

竇牟一首

竇鞏一首

羊士諤一首

于鹄三首

戎昱二首

武元衡四首

權德輿一首

讀雪山房唐詩卷十九

七律二

贈王侍御

韋應物

心同野鶴與塵遠詩似冰壺見底清
府縣同趨昨日事升沈不改故人情
上陽秋晚蕭蕭雨洛水寒來夜夜聲
自歎猶爲折腰吏可憐驄馬路傍行

自鞏洛舟行入黃河卽事寄府縣僚友

夾水蒼山路向東東南山豁大河通
寒樹依微遠天外夕陽明滅亂流中
孤村幾歲臨伊岸一雁初晴下朔風
爲報洛陽游宦侶扁舟不繫與心同

寄李儋元錫

言雪山房集卷十九
去年花裏逢君別今日花開又一年世事茫茫難自料春愁
黯黯獨成眠身多疾病思田里邑有流亡愧俸錢聞道欲來
相問訊西樓望月幾回圓

送子壻崔成甫歸長城

劉長卿

送君卮酒不成歡幼女辭家事伯鸞桃葉宜人誠可詠柳花
如雪若爲看心憐稚齒鳴環去身愧衰顏對玉難惆悵暮帆
何處泊青山無限水漫漫

送陸澧倉曹西上

長安此去欲何依先達誰當薦陸機日下鳳翔雙闕迴雪中
人去二陵稀舟從故里難移棹家在寒塘獨掩扉臨水自傷
流落久贈君空有淚沾衣

送柳使君赴袁州

宜陽出守新恩至京口因家始願違五柳閉門高士去三苗
按節遠人歸月明江路聞猿斷花暗山城見吏稀唯有郡齋
窗裏岫朝朝空對謝元暉

戲題贈二小男

異鄉流落頻生子幾許悲歡併在身欲並老容羞白髮每看
兒戲憶青春未知門戶誰堪主且免琴書別與人何幸暮年
方有後舉家相對卻沾巾

青溪口送人歸岳州

洞庭何處雁南飛江蓼蒼蒼客去稀帆帶夕陽千里沒天連
秋水一人歸黃花挹露開沙岸白鳥銜魚上釣磯岐路相逢

詩集卷之六
二
無可贈老年空有淚沾衣

送耿拾遺歸上都

若爲天畔獨歸秦對水看山欲暮春窮海別離無限路隔河
征戰幾歸人長安萬里傳雙淚建德千峰寄一身想到郵亭
愁駐馬不堪西望見風塵

獻淮甯軍節度使李相公

建牙吹角不聞喧三十登壇眾所尊家散萬金酬士死身畱
一劍答君恩漁陽老將多迴席魯國諸生半在門白馬翩翩
春草綠邵陵西去獵平原

觀校獵上淮西相公

龍驤校獵邵陵東野火初燒楚澤空師事黃公千載後身騎

白馬萬人中笳隨晚吹吟邊草箭沒寒雲落塞鴻三十擁旄
誰不羨周郎少小立奇功

送李錄事兄歸襄鄧

十年多難與君同幾處移家逐轉蓬白首相逢征戰後青春
已過亂離中行人杳杳看西月歸馬蕭蕭向北風漢水楚雲
千萬里天涯此別恨無窮

長沙過賈誼宅

三年謫宦此棲遲萬古唯畱楚客悲秋草獨尋人去後寒林
空見日斜時漢文有道恩猶薄湘水無情弔豈知寂寂江山
搖落處憐君何事到天涯

登餘干古縣城

孤城上與白雲齊萬古蕭條楚水西官舍已空秋草綠女牆
猶在夜烏啼平沙渺渺來人遠落日亭亭向客低飛鳥不知
陵谷變朝來暮去弋陽溪

將赴嶺外畱題蕭寺遠公院

竹房遙閉上方幽苔徑蒼蒼訪昔遊內史舊山空日暮南朝
古木向人秋天香月色同僧室落葉猿啼傍客舟此去播遷
明主意白雲何事欲相畱

上巳日越中與鮑侍郎泛舟耶溪

蘭橈萬轉傍汀沙應接雲峰到若耶舊浦滿來移渡口垂楊
深處有人家永和春色千年在曲水鄉心萬里賒君見漁船
時借問桃源幾路入煙霞

使次安陸寄友人

新年草色遠萋萋
久客將歸問路蹊
暮雨不知湏口處
春風只到穆陵西
孤城盡日空花落
三戶無人自鳥啼
君在江南相憶否
門前五柳幾枝低

自夏口至鸚鵡洲望岳陽寄元中丞

汀洲無浪復無煙
楚客相思益渺然
漢口夕陽斜度鳥
洞庭秋水遠連天
孤城背嶺寒吹角
獨戍臨江夜泊船
賈誼上書憂漢室
長沙謫去古今憐

贈別嚴士元

春風倚櫂闔閭城
水國輕寒陰復晴
細雨濕衣看不見
閒花落地聽無聲
日斜江上孤帆影
草綠湖南萬里情
東道若逢

詩集山房唐詩卷十九
四
相識問青袍今已誤儒生

罪所上御史惟則

誤因微祿滯南昌幽繫圜扉晝夜長黃鶴翅垂同燕雀青松
心在任風霜斗間誰與看冤氣盆下何由見太陽賢達不能
同感激更於何處問蒼蒼

送宇文遷明府赴洪州張觀察追攝豐城令

送君不復遠爲心余亦扁舟湘水陰路逐山光何處盡春隨
草色向南深陳蕃待客應懸榻宓賤之官獨抱琴倘見主人
論謫宦邇來空有白頭吟

送開府姪隨故李將軍旅櫬卻赴上都

征西諸將一如君報德誰能不願勳身逐塞鴻來萬里手披

荒草見孤坟，生絕漠。經胡雪，懷舊長沙哭。楚雲歸去，蕭條
灞陵上。幾人看葬李將軍。

和李員外扈駕幸溫泉宮

錢起

未央月曉度疏鐘，鳳輦時巡出九重。雪霽山門迎瑞日，雲開
水殿候飛龍。輕寒不入宮中樹，佳氣常浮仗外峰。遙羨枚臯
扈仙蹕，偏承霄漢渥恩濃。

送李評事赴潭州使幕

湖南遠去有餘情，蘋葉初齊白芷生。漫說簡書催物役，遙知
心賞緩王程。興過山寺先雲到，嘯引江帆帶月行。幕下由來
貴無事，仁聞談笑靜黎甿。

送裴頔侍御使蜀

柱史年纔四十強紫髯元髮美清揚朝天繡服承恩貴出使
星輶滿路光錦水繁華添麗藻峨嵋明月引飛觴多才自有
雲霄望計日應追鴛鴦行

送張員外出牧岳州

鳳凰銜詔與何人善政多才寵寇恂臺上鴛鴦爭送遠岳陽
雲樹待行春自憐黃閣知音在不厭彤幃出守頻應笑馮唐
衰且拙世情相見白頭新

送孫十尉溫縣

飛花落絮滿河橋千里傷心送客遙不惜芸香染黃綬惟憐
鴻羽下青霄雲衢有志終驤首吏道無媒且折腰急管繁絃
催一醉顏陽不駐引征鑣

送鍾評事應宏詞下第東歸

芳歲歸人嗟轉蓬
含情回首霸陵東
峨眉不入秦臺鏡
鷁羽還驚宋國風
世事悠揚春夢裏
年光寂寞旅愁中
勸君稍盡離筵酒
千里佳期難再同

和王員外雪晴早朝

紫微晴雪帶恩光
繞仗偏隨鴛鷺行
長信月留甯避曉
宜春花滿不飛香
獨看積素凝清禁
已覺輕寒讓太陽
題柱盛名歸絕唱
風流誰繼漢田郎

樂遊原晴望上中書李侍郎

爽氣朝來萬里清
憑高一望九愁輕
不知鳳沼霖初霽
但覺堯天日轉明
四野山河通遠色
千家砧杵共秋聲
遙想青雲

丞相府何時開閣引諸生

幽居春暮書懷

自哂鄙夫多野性貧居數畝半臨湍谿雲雜雨來茅屋山雀
將雛到藥欄仙籙滿床閒不厭陰符在篋老羞看更憐童子
宜春服花裏尋師到杏壇

山中酬楊補闕見過

日暖風恬種藥時紅泉翠壁薜蘿垂幽溪鹿過苔還靜深樹
雲來鳥不知青瑣同心多逸興春山載酒遠相隨卻慙身外
牽纓冕未勝杯前倒接羅

贈張南史

紫泥何日到滄洲笑向東陽沈隱侯黛色晴峰雲外出縠文

江水縣前流使臣自欲論公道才子非關厭薄游溪畔秋蘭
雖可佩知君不得少停舟

漢武出獵

漢家無事樂時雍羽獵年年出九重玉帛不朝金闕路旌旗
常繞綵霞峰且貪原獸輕黃屋甯畏漁人犯白龍薄暮方歸
長樂觀垂楊幾處綠煙濃

贈闕下裴舍人

二月黃鸝飛上林春城紫禁曉陰陰長樂鐘聲花外盡龍池
柳色雨中深陽和不散窮途恨霄漢長懸捧日心獻賦十年
猶未遇羞將白髮對華簪

贈韋司直

郎士元

言雪山房唐詩卷十九
聞君感歎二毛初舊友相依萬里餘烽火有時驚暫定甲兵
無處可安居客來吳地星霜久家在平陵音信疏昨日風光
還入戶登山臨水復何如

春宴王補闕城東別業

柳陌乍隨洲勢轉花源忽傍竹陰開能將瀑水清人境直取
流鶯送酒杯山下古松當綺席簷前片雨滴春苔地主同聲
復同舍畱歡不畏夕陽催

酬王季友秋夜宿露臺寺見寄

石林精舍武溪東夜扣禪扉謁遠公月在上方諸品靜心持
半偈萬緣空蒼苔古道行應遍落木寒泉聽不窮更憶雙峰
最高頂此心期與故人同

蓋少府新除江南尉問風俗

聞君作尉向江潭
吳越風煙到自諳
客路尋常隨竹影
人家大抵傍山嵐
緣溪花木偏宜遠
避地衣冠盡向南
唯有夜猿啼海樹
思鄉望國意難堪

送郴縣裴明府之任兼充宣慰

白蘋楚水三湘遠
芳草秦城二月初
連雁北飛看欲盡
孤舟南去意何如
渡江野老思求瘼
候館郴人憶下車
別後天涯何所寄
故交惟有袖中書

送李敖湖南書記

憐君才與阮家同
掌記能資亞相雄
入楚豈忘看淚竹
泊舟應自愛江楓
誠知客夢煙波裏
肯厭猿鳴夜雨中
莫信衡陽

書不到年年秋雁過巴東

馮翊西樓

一作張繼

城上西樓倚暮天樓中歸望正淒然近郭亂山橫古渡野莊
喬木帶新煙北風吹雁聲能苦遠客辭家月再圓陶令好文
常對酒相招一和白雲篇

送李錄事赴饒州

皇甫冉

北人南去雪紛紛雁叫汀洲不可聞積水長天隨遠客荒城
極浦足寒雲山從建業千峰出江至潯陽九派分借問督郵
纔弱冠府中年少不如君

送錢塘路少府赴制舉

公車待詔赴長安客裏新正阻舊歡遲日未能消野雪晴花

偏自犯江寒東溟道路通秦塞北闕威儀擁漢官共許郗生
工射策恩榮請向一枝看

秋日東郊作

閒看秋水心無事坐對寒松手自栽廬岳高僧畱偈別茅山
道士寄書來燕知社日辭巢去菊爲重陽冒雨開淺薄將何
稱獻納臨岐終日獨徘徊

同溫丹徒登萬歲樓

高樓獨上思依依極浦遙山合翠微江客不堪頻北望塞鴻
何事又南飛丹陽古渡寒煙積瓜步空洲遠樹稀聞道王師
猶轉戰誰能談笑解重圍

宿淮陰南樓酬常伯能

淮陰日落上南樓喬木荒城古渡頭浦外野風初入戶窗中海月早知秋滄波一望通千里畫角三聲起百憂伫立宵分絕來客煩君步履忽相求

酬李補闕

十年歸客但心傷三徑無人已自荒夕宿靈臺伴烟月晨趨建禮逐衣裳偶因麋鹿隨芳草謬荷鴛鸞借末行縱有諫書猶未獻春風得地日空長

館陶李丞舊居

盛名天下挹餘芳棄置終身不拜郎詞藻世傳平子賦園林人比鄭公鄉門前墜葉浮秋水籬外寒皋帶夕陽日日青松成古木祇應來者爲心傷

送孔巢父赴河南軍

江城相送阻煙波，況復新秋一雁過。
聞道全師征北虜，更言諸將會南河。
邊心杳杳鄉人絕，塞草青青戰馬多。
共道陳琳工奏記，知君名宦未蹉跎。

春思

一作劉長卿詩

鶯啼燕語報新年，馬邑龍堆路幾千。
家住層城臨漢苑，心隨明月到胡天。
機中錦字論長恨，樓上花枝笑獨眠。
爲問元戎竇車騎，何時返旆勒燕然。

送朱中舍遊江東

李嘉祐

孤城郭外送王孫，越水吳洲共爾論。
野寺山邊斜有徑，漁家竹裏半開門。
青楓獨映搖前浦，白鷺閒飛過遠村。
若到西陵

征戰處不堪秋草自傷魂

自蘇臺至望亭驛人家盡空春物增思悵然有作因寄

從弟紆

南浦菰浦覆白蘋東吳黎庶逐黃巾野棠自發空流水江燕
初歸不見人遠樹依依如送客平田渺渺獨傷春那堪回首
長洲苑烽火年年報虜塵

題遊仙閣白公廟

仙冠輕舉竟何之薜荔緣階竹映祠甲子不知風馭日朝昏
惟見雨來時霓旌翠蓋終難遇流水青山空所思逐客自憐
雙鬢改焚香多負白雲期

送皇甫冉往安西

江皋盡日惟煙水君向白田何日歸楚地蒹葭連海迥隋朝
楊柳映隄稀津樓故市無行客山館荒城閉落暉若問疲人
與征戰使君雙淚定沾衣

早秋京口旅泊章侍御寄書相問因以贈之時七夕

移家避寇逐行舟厭見南徐江水流吳地征徭非舊國秣陵
凋敝不宜秋千家閉戶無砧杵七夕何人望斗牛祇有同時
驄馬客偏題尺牘問窮愁

暮春宜陽郡齋愁坐忽枉劉七侍御新詩因以酬答

子規夜夜啼櫺櫓遠道逢春半是愁芳草伴人還易老落花
隨水亦東流山臨睥睨恆多雨地接瀟湘畏及秋惟羨君爲
周柱史手持黃紙到滄洲

與從弟正字從兄兵曹宴集林園

竹窗松戶有佳期美酒香茶慰所思
輔嗣外生還解易惠連羣從總能詩
簷前花落春深後谷裏鶯啼日暮時
去路歸程仍待月垂韁不控馬行遲

題陳上人院

司空曙

閉門不出自焚香擁褐看山歲月長
雨後綠苔生石井秋來黃葉遍繩床
身閑何處無真性年老曾言隱故鄉
更說本師同學在幾時攜手見衡陽

長安曉望寄程補闕

一作包何詩

迢遞山河擁帝京參差宮殿接雲平
風吹曉漏經長樂柳帶晴煙出禁城
天淨笙歌臨路發日高車馬隔塵行
獨有淺才

甘未達多慙名在魯諸生

贈衡岳隱禪師

擁褐安居南岳頭白雲高寺見衡州
石窗湖水搖寒月楓樹猿聲報夜秋
講席舊逢沙鳥至梵經初向竺僧求
自知身老將傳法因下人間逐此遊

送曲山人之衡州

白石先生眉髮光已分紺雪飲紅漿
衣巾半染煙霞氣語笑兼和藥草香
茅洞玉聲流暗水衡山碧色映朝陽
千年城郭如相問華表峨峨有夜霜

酬張芬有赦後見贈

一作司空圖詩

紫鳳朝啣五色書陽春忽布網羅除
已將心變寒灰後豈料

言雪山房詩卷一
光生腐草餘建水風煙收客淚杜陵花竹夢郊居勞君故有
詩相贈欲報瓊瑤恨不如

酬李端校書見贈

綠槐垂穗乳鳥飛忽憶山中獨未歸青鏡流年看髮變白雲
芳草與心違乍逢酒客春遊慣久別林僧夜坐稀昨日聞君
到城闕莫將簪弁勝荷衣

送張鍊師還峨嵋山

太一天壇天柱西重蘿爲幌石爲梯前登靈境青雲絕下視
人間白日低松籟萬聲和管磬丹光五色雜虹蜺春山一入
尋無路鳥響煙深水滿溪

送故人赴江陵庾牧

韓翃

主人持節拜荊州走馬應從一路遊
斑竹岡連山雨暗枇杷門向楚天秋
佳期笑把齋中酒遠意閒登城上樓
文體此時看又別吾知小庾甚風流

送丹陽劉太真

長干道上落花朝羨爾當年賞事饒
下筇已憐鶯炙美開籠不奈鴨媒嬌
春衣晚入青楊巷細雨初過皂莢橋
相訪不辭千里遠西風好借木蘭橈

送客歸江州

東歸復得采真遊江水迎君日夜流
客舍不離青雀舫人家舊在白蘋洲
風吹山帶遙知雨露濕荷裳已報秋
聞道淵明居止近籃輿相訪爲淹畱

寄贈鄭員外

風流不減杜陵時五十爲郎未是遲
孺子亦知名下士樂人爭唱卷中詩
身齊吏部還多醉心顧尙書自有期
要路眼看知已在不應窮巷久低眉

寄徐州鄭使君

江城五馬楚雲邊不羨雍容畫省年
才子舊稱何水部使君還繼謝臨川
射堂草遍收殘雨官路人稀對夕天
雖臥郡齋千里隔與君同見月初圓

送王少府歸杭州

歸舟一路轉青蘋更欲隨潮向富春
吳郡陸機稱地主錢塘蘇小是鄉親
葛花滿把能消酒梔子同心好贈人
早晚重過

漁浦宿遙憐佳句篋中新

題仙遊觀

仙臺下見五城樓風物淒淒宿雨收
山色遙連秦樹晚砧聲近報漢宮秋
疏松影落空壇靜細草香閑小洞幽
何用別尋方外去人間亦自有丹邱

訪王起居不遇畱贈

雙龍闕下拜恩初天子令君注起居
載筆已齊周內史論詩更似謝中書
行聞漏滴隨金仗入對爐煙侍玉除
賀客自知來獨晚青驪不見意何如

送劉評事赴廣州使幕

征南官屬似君稀才子當今劉孝威
蠻府參軍趨傳舍交州

言雪山房詩卷一
四
刺史拜行衣前臨瘴海無人過卻望衡陽少雁飛爲報蒼梧
雲影道明年早送客帆歸

送冷朝陽還上元

青絲絳引木蘭船名遂身歸拜慶年落日澄江烏榜外秋風
疏柳白門前橋通小市家林近山帶平蕪野寺連別後剛逢
寒食節共誰攜手上東田

送康洗馬歸滑州

腰佩雕弓漢射聲東歸銜命見雙旌青絲玉勒康侯馬孟水
金隄滑伯城臘雪夜看宜縱酒寒蕪晝獵不妨行懷君又隔
千山遠別後春風百草生

送王光輔歸青州兼寄儲侍御

幾回奏事建章宮聖主偏知漢將功
身着紫衣趨闕下口銜丹詔出關東
蟬聲驛路秋山裏草色河橋夕照中
遙憶故人滄海別當年好躍五花驄

送王府張參軍附學及第東歸

鄰家不識祝雞翁閉戶能齊隱者風
顧步曾爲小山賦成名因事大江公
一生千里寒蕪上單馬重裘臘月中
寂寂故園行見在暮天殘雪洛城東

送李明府使蘇州便赴吉期

莫言水國去迢迢白馬吳門見不遙
楓樹林中經楚雨木蘭舟上踏江湖
空山古寺千年石草色寒隄百尺橋
早晚盧家蘭室外珊珊玉佩徹青霄

送鄧州崔長史

盧綸

出山車騎次諸侯坐領圖書見督郵
遶郭桑麻通浙口滿川風景接襄州
高城鳥過方催夜廢壘蟬鳴不待秋
聞說元規偏愛月知君長得伴登樓

酬暢當尋嵩岳麻道士見寄

聞逐樵夫看奕棋忽逢人世是秦時
開雲種玉嫌山淺渡海傳書怪鶴遲
陰洞石幢微有字古壇松樹半無枝
煩君遠寄青囊錄願得相隨一問師

和王員外冬夜寓直

居然自是漢賢良高步長裾錦帳郎
潘岳敘年因鬢髮揚雄托諫在文章
九天韶樂飄寒月萬戶香塵浥曉霜
坐見重門

儼朝騎可憐雲路獨翱翔

早春歸盤屋舊居卻寄耿拾遺
漳李校書端

野日初晴麥隴分竹園村巷鹿成羣
幾家廢井生秋草一樹繁花對古墳
引水忽驚冰滿澗向田空見石和雲
可憐芳歲青山裏惟有松枝好寄君

洛陽早春憶吉中孚校書司空曙主簿
因寄清江上人
值迴逢高駐馬頻雪晴閒看洛陽春
鶯聲報遠同芳信柳色邀歡似故人
酒貌昔將花共豔鬢毛今與草爭新
年來百事皆無緒惟與湯師結淨因

秋中過獨孤郊居

開園過水到郊居共引家僮拾野蔬
高樹夕陽連古巷菊花

梨葉滿荒渠秋山近處行過寺夜雨寒時起讀書帝里諸親
別離久豈知王粲愛樵漁

長安春望

東風吹雨過青山卻望千門草色閑家在夢中何日到春來
江上幾人還川原繚繞浮雲外宮闕參差落照間誰念爲儒
逢世難獨將衰鬢客秦關

晚次鄂州

雲開遠見漢陽城猶是孤帆一日程估客晝眠知浪靜舟人
夜語覺潮生三湘愁鬢逢秋色萬里歸心對月明舊業已隨
征戰盡更堪江上鼓鼙聲

夜投豐德寺謁海上人

一作李
端詩

夜半中峰有磬聲偶逢樵者問山名上方月曉聞僧語下界
林疏見客行野鶴巢邊松最老毒龍潛處水偏清願得遠公
知姓氏焚香洗鉢過浮生

長安疾後首秋夜卽事

一作陳羽詩

九重深鎖禁城秋月過南宮漸映樓紫陌夜深槐露滴碧空
雲盡火星流清風刻漏傳三殿甲第歌鐘樂五侯楚客病來
鄉思苦寂寥燈下不勝愁

至德中途中書事卻寄李儋

亂離無處不傷情況復看碑過古城路遶寒山人獨去月臨
秋水雁空驚顏衰重喜歸鄉國身賤多慚問姓名今日主人
還共醉應憐世故一儒生

言言山房詩卷二
贈郭駙馬

二首
之一

李端

青春都尉最風流二十功成便拜侯
金距鬪雞過上苑玉鞭騎馬出長秋
薰香荀令偏憐少傅粉何郎不解愁
日暮吹簫楊柳陌路人遙指鳳凰樓

宿淮浦憶司空文明

愁心一倍長離憂夜思千重憶舊遊
秦地故人成遠夢楚天涼雨在孤舟
諸溪近海潮皆應獨樹邊淮葉盡流
別恨轉深何處寫前程唯有一登樓

贈逸士

姓氏不書高士傳形神自得逸人風
已傳花洞將秦接更指茅山與蜀通
懶說歲年齊絳老甘爲鄉曲號涪翁
終朝賣卜

無人識敝服徒行入市中

送周長史

青楓樹裏宣城郡獨佐諸侯上板橋江客亦能傳好信山僧
多解說南朝雲陰出浦看帆小草色連天見雁遙別有空園
落桃杏知將絲組繫蘭橈

送賈校書東歸寄振上人

李益

北風吹雁數聲悲況指寒林是別時秋草不堪頻送遠白雲
何處更相期山隨匹馬行堪暮路入寒城去獨遲爲向東州
故人道江淹已擬惠休詩

鹽州過胡兒飲馬泉

綠楊著水草如煙舊是胡兒飲馬泉幾處吹笳明月夜何人

家

倚劒白雲天從來凍合關山路今日分流漢使前莫遣行人
照容鬢恐驚憔悴入新年

同崔邠登鸛雀樓

鸛雀樓西百尺檣汀洲雲樹共茫茫漢水簫鼓空流水魏國
山河半夕陽事去千年猶恨速愁來一日卽爲長風塵併起
思歸望遠目非春亦自傷

山中奉寄錢起員外兼簡苗員外發

秦 系

空山歲計是胡麻窮海無梁泛一槎稚子惟能覓梨栗逸妻
相伴老煙霞高吟麗句驚巢鶴閑閉春風看落花借問省中
何水部今人幾箇屬詩家

題茅山李尊師山居

尊師百歲少如童不到山中竟不逢洗藥每臨新瀑水步虛
時上最高峰籬間五月畱殘雪石上千年蔭怪松此去人寰
今遠近回看雲壑一重重

獻薛僕射

由來那敢議輕肥散髮行歌自採薇逋客未能忘野興辟書
翻遣脫荷衣機中匹婦空相笑池上羣鷗盡欲飛更乞大賢
容小隱益看愚谷有光輝

秋夜呈皇甫冉鄭豐

劉方平

洛陽秋夜白雲歸城裏長河列宿稀秋後見飛千里雁月中
聞搗萬家衣長辭西雍青門道久別東吳黃鶴磯借問客書
何所寄用心不啻兩鄉違

出塞曲

鄭錫

校尉徵兵出塞西
別營分騎過龍溪
沙平虜迹風吹盡
霧失烽煙道易迷
玉靶半開鴻已落
金河欲渡馬連嘶
會當繫取天驕人
不使軍書夜刺閨

早朝日寄所知

皇甫曾

長安雪後見歸鴻
紫禁朝天拜舞同
曙色漸分雙闕下
漏聲遙在百花中
爐煙乍起開仙仗
玉佩成行引上公
共荷發生同雨露
不應黃葉久從風

張芬見訪郊居作

林中雨散早涼生
已有迎秋促織聲
三徑荒蕪羞對客
十年衰老愧稱兄
愁心自惜江蘼晚
世事方看木槿榮
君若罷官

攜手日尋山莫算白雲程

奉寄中書王舍人

腰金載筆謁承明至道安禪得此生西掖幾年綸綍貴東山
遙夜薜蘿情風傳刻漏星河曙月上梧桐雨露清聖主好文
誰爲薦閉門空賦子虛成

會稽郡樓雪霽

張繼

江城昨夜雪如花郢客登樓望霽華夏禹壇前仍聚玉西施
浦上更畱紗簾櫳向晚寒風度睥睨初晴落景斜數處微明
銷不盡湖山清映越人家

同皇甫侍御齋中春望見示之作

獨孤及

遠望思歸心易傷況將衰鬢偶年光時攀芳樹愁花盡晝掩

高齋厭日長甘比流波辭舊浦忍看新草遍橫塘因君贈我
江楓詠春思如今未易量

早發龍沮館舟中寄東海徐司倉鄭司戶

沙禽相呼曙色分漁浦鳴榔十里聞正當秋風渡楚水況值
遠道傷離羣津頭卻望後湖岸別處已隔東山雲停艫目送
北歸翼惜無瑤華持贈君

朝下寄韓舍人

耿 漳

侍臣鳴佩出西曹鑾殿分階翊綵旄瑞氣迴浮青玉案日華
遙上赤霜袍花間焰焰雲旗合鳥外亭亭露掌高肯念萬年
芳樹裏隨風一葉在蓬蒿

送友人遊江南

遠別悠悠白髮新江潭何處是通津潮聲偏懼初來客海味
惟甘久住人漠漠煙光前浦晚青青草色定山春汀洲更有
南迴雁亂起聯翩北向秦

上裴行軍中丞

蕭關掃定虎狼羣閉閣層城白日曛櫺上驂騑嘶鼓角門前
老將識風雲旌旗四面寒山映絲管千家靜夜聞更想他時
看竹帛功成不獨霍將軍

題桐廬李明府官舍

崔峒

松堂寂寂對煙霞五柳門前聚晚鴉流水聲中視公事寒山
影裏見人家觀風共美新爲政計日應知更觸邪卻憶陶潛
無限酒不逢籬菊正開花

言雪山房集卷二
三
虔州見鄭表新詩因以寄贈

梅花嶺裏見新詩
感激情深過楚詞
平子四愁今莫比
休文八詠自同時
萍鄉露冕真堪惜
鳳詔鳴珂已訝遲
才子風流定難見
湖南春草但相思

陸勝宅秋暮雨中探韻同作

張南史

同人永日自相將
深竹閒園偶辟疆
已被秋風教憶鱸
更聞寒雨動飛觴
歸心莫問三江水
旅服從沾九月霜
醉後欲尋騎馬路
蕭條是處有垂楊

尋隱者韋九山人於東溪草堂

朱灣

尋得仙源訪隱淪
漸來深處漸無塵
初行竹裏惟通馬
直到花間始見人
四面雲山誰作主
數家煙火自爲鄰
路傍樵客

何須問朝市如今不是秦

過宣上人湖上蘭若

十年湖上結幽期偏向東林遇遠師
未道姓名童子識不酬言語上人知
閒花落日滋苔徑細雨和煙著柳枝
問我別來何所得解將無事當無爲

同達溪宰遊竇子明仙壇

松檜陰深一徑微中峰石室到人稀
仙官不住青山在故老相傳白日飛
華表問栽何處木片雲畱着去時衣
今朝茂宰尋真處暫駐雙鳬且莫歸

送李司直歸浙東幕兼寄鮑將軍

朱長文

翩翩書記早曾聞二十年來願見君
今日相逢悲白髮同時

幾許在青雲人從北固山邊去水到西陵渡口分會作王門
曳裾客爲余前謝鮑參軍

漁父

張志和

八月九月蘆花飛南谿老人垂釣歸秋山入簾翠滴滴野艇
倚檻雲依依卻把漁竿尋小徑閑梳鶴髮對斜暉翻嫌四皓
曾多事出爲儲王定是非

宮詞

戴叔倫

紫禁迢迢宮漏鳴夜深無語獨含情春風鸞鏡愁中影明月
羊車夢裏聲塵暗玉階綦迹斷香飄金屋篆煙清貞心一任
蛾眉妬買賦何須問長卿

寄司空曙

細雨柴門生遠愁向來詩句若爲酬
林花落處頻中酒海燕飛時獨倚樓
北郭晚晴山更遠南塘春盡水爭流
可能相別還相憶莫遣楊花笑白頭

弔暢當

萬里江南一布衣早將佳句動京畿
徒聞子敬遺琴在不見相如駟馬歸
朔雪恐迷新冢草秋風愁老故山薇
玉堂知己能銘述獨得精靈慰所依

寄孟郊

亂餘城郭怕經過到處閒門長薜蘿
用世空悲聞道淺入山偏喜識僧多
醉歸花徑雲生履樵罷松巖雪滿蓑
石上幽期看又暮何時載酒聽高歌

過賈誼舊居

楚鄉卑濕歎殊方
鵬賦人非宅已荒
漫有長書憂漢室
空將哀些弔沅湘
雨餘古井生秋草
葉盡疏林見夕陽
過客不須頻太息
咸陽宮殿亦荒涼

送房元直赴北京

嚴維

猶送樓蘭十萬師
書生匹馬去何之
臨岐未斷歸家日
望月空吟出塞詩
常欲激昂論上策
不應憔悴老明時
遙知到後逢寒食
彩筆長裾會晉祠

之任武林寒食日途次松滋渡先寄劉員外禹錫

竇常

杏花榆莢晚風前
雲際離離上峽船
江轉數程淹驛騎
楚曾

三戶少人煙看春又過清明節算老重經癸巳年幸得柱山
當郡舍在朝常詠卜居篇

秋夕閒居對雨贈別盧七侍御坦

竇 牟

燕燕辭巢蟬蛻枝窮居積雨壞籬籬夜長簷溜寒無寢日晏
廚煙濕未炊悟主一言那可學從軍五首竟徒爲故人驄馬
朝天去洛下秋聲恐要知

南陽道中作

竇 鞏

東風雨洗順陽川蜀錦花開綠草田彩雉鬪時頻駐馬酒旗
翻處亦畱錢新晴日照山頭雪薄暮人爭渡口船早晚到家
春欲盡今年寒食月初圓

郡中言懷寄西川蕭員外

羊士諤

功名無力媿勤王已近終南得草堂
身外盡歸天竺偈腰間唯有會稽章
何時臘酒逢山屐可惜梅枝亞石床
歲晚我知仙客意懸心應在白雲鄉

公子行

于鵠

少年初拜大長秋半醉垂鞭見列侯
馬上抱雞三市鬪袖中攜劒五陵遊
玉簫金管迎歸院錦袖紅粧擁上樓
更向苑西新買宅月陂春水入門流

醉後寄山中友人

野人相勸久從容昨日山家春酒濃
獨憶卸冠眠細草不知誰送出深松
獨忘醉後逢廉度豈省歸時見魯恭
知己尙嫌身酩酊路人應恐笑龍鍾

送宮人入道歸山

十五吹簫入漢宮，看修水殿種芙蓉。
自傷白髮辭金殿，許戴黃冠向雪峰。
解語老猿開曉戶，學飛雛鶴落高松。
定知別後宮中伴，應聽緱山半夜鐘。

辰州聞大駕還宮

戎昱

聞道鑾輿歸魏闕，望雲西拜喜還悲。
甯知隴蜀煙銷日，再有園林秋薦時。
渭水戰添亡虜血，秦人生覩舊朝儀。
自憐出守辰州畔，不得親隨日月旂。

江城秋霽

霽後江城風景涼，豈堪登眺只堪傷。
遠天蟬螻收殘雨，映水鸕鷀近夕陽。
萬事無成空過日，十年多難不還鄉。
不知何處

銷茲恨轉覺愁隨秋夜長

酬嚴司空荆南見寄

武元衡

金貂再入三台府玉帳連封萬戶侯
簾捲青山巫峽曉煙開
碧樹渚宮秋劉琨坐嘯風清塞
謝朓裁詩月滿樓
白雪調高歌不得美人南國翠蛾愁

送崔判官使太原

勞君車馬此逡巡我與劉君本世親
兩地山河分節制十年
京洛共風塵笙歌幾處胡天月羅綺長畱蜀國春
報主末由須盡敵相期萬里寶刀新

送張六諫議歸朝

詔書前日下丹霄頭戴儒冠脫皂貂
笛起柳營煙漠漠雲愁

江館雨瀟瀟，鴛鴻得路爭先翥。
松檜凌寒識後凋，歸去朝端
如有問玉門關外老班超。

送溫況遊蜀

游人西去客三巴，身逐孤蓬不定家。
山近峨眉飛暮雨，江連濯錦起朝霞。
雲深九折刀州遠，路繞千巖劒閣斜。
應到嚴君開卦處，將余一爲問生涯。

送張閣老中丞持節冊弔回鵲

權德輿

君行當得遠人歡，旌旆翩翩擁漢官。
分職南臺知禮重，輟書東觀見才難。
金章玉節鳴騶遠，白草黃雲出塞寒。
欲散別離惟有酒，暫煩賓從駐征鞍。

謝育邸曹賊竄焚捕獲

東瞻見太華金章玉證都飄散白草黃雲出塞寒谷殢殘蟄
露蒼苔密發人煙茲寂臨臨寒萬古長飢南臺吟飢重痺舊

蘇詩留髻歎人燭茲藏臨臨翠萼宮長卿南臺映飾重遊舊

受業謝步中丞封翁冊年回歸

閑桂與誰余一爲閑坐哉

夢終張時雪雲凝大茫
 人西去客空出良夜感
 數點寒風散
 吹青閣玉門關
 夜半班駘

人西去客三出良夜將盡不寐笑山我知爾無暮雨耳

吸育問王四關夜告班跋

讀雪山房唐詩卷十九終



